



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 3. Parisiensis Facultas Theologica horum appellationi adhærens.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

mine Durand, cui pro mercede septies mille quingentas libras & pro itineris sumptibus bis mille Imperiales dederunt, Romam missum, publice ibidem ad Datariam, in Acie Campi Flori, aliisque solitis locis affixerunt, ac insuper Mirapicensis Episcopus mandatum & instructionem Pastoralem edidit, in qua Acceptantium Episcoporum gesta & mandata traducens, plures propositiones a Papa damnatas tanquam Ecclesie veritates propugnabat.

Sæc. XVIII.
A. C. 1717.

§. III.

Parisiensis Facultas Theologica horum appellationi adhærens.

Eadem die quinta Martii præfati quatuor Episcopi suæ appellationis tabulas ad ipsam Sorbonæ Aulam ipsimet deportarunt, atque comitiis hanc in rem habitis interfuere, ubi ceterorum nomine Mirapicensis exposuit rationes, ob quas appellare coacti essent contra Constitutionem, quæ veritatem eliminat, moralem doctrinam evertit, Principum potestatem extinguit & Episcopalis Ordinis jura violat, tot igitur malis nullum præsto esse remedium quam recursum ad Concilium Generale, ajebat: Indignabantur Doctorum nonnulli,

*Acta &
Decreta
S. Facult.
pag. 30.*

Gg 4

quod

Sæc. XVIII. quod contra legem & usum S. Facultatis pluribus retro sæculis constanter observatum ex hisce unus, scilicet Senecensis Episcopus, qui nequidem Magisterii jure potiebatur, inter Sorbone Doctores, tacente imo & applaudente Syndico confedere ausus esset. Verum ea tum erat temporum iniquitas, ut quicquid numero potioribus libuit, licitum diceretur: Infigante igitur eodem Syndico, & petentibus Episcopis Appellantibus mox Facultatis Doctores eorum appellationi accedendum esse decrevere, & statim, quin in re tanti momenti prius, ut mos ferebat, Deputatos designarent, velut abreptiti re nec palam proposita, nec matura deliberatione discussa nec rogata, nec explorata ceterorum sententia, nec ad severiorem examinis trutinam revocata, ad generale Concilium appellarunt, hujusque funestæ appellationis, quæ tot turbarum in Regno fons & origo existit, actum scribis ad id studiose vocatis consignarunt; atque in comitiis prælegi jusserunt, his verbis conceptum

„Sacra Facultas adhæret appellationi interjectæ ab illustrissimis Ecclesiæ Principibus Episcopis Mirapicensi, Senecensi, Montis Pessulano, & Boloniensi ad Concilium Generale a Constitutione summi Pont-

Sæc. XVIII.
A. C. 1717.

Pontificis Clementis undecimi, quæ incipit: *Unigenitus* &c. & ab iis inde secutis aut secuturis, & a gravaminibus seu illatis seu inferendis a sanctissimo Clemente undecimo sua aut alia quacunque auctoritate, quam Constitutionem facer ordo pluribus conclusionibus declaravit, se non acceptasse, cujus appellationis instrumentum lectum est, & traditum in comitiis, cunctaque, quæ in eo continetur probata: actum hujus adhæſionis illustrissimis Episcopis concedit, parataque est sacra Facultas sese adjungere ubicunque & quandocunque opus fuerit ad prosecutionem hujus appellationis coram Concilio Generali libere & legitime congregando, & apud quem vel quos poterit pertinere, eamque Appellationem suo nomine prosequi.,

Adversus hanc Facultatis appellationem Præsules Gallicani ferme omnes ob læsa Ecclesiæ jura, & calcatam contritamque supremam auctoritatem gravissime questi, hanc appellationem tanquam nullam, frivolum, illusoriam, temerariam, scandalosam, schismaticam, atque errori hæresique faventem detestati sunt: licet enim, ajebant ipsi, in S. Facultate die nona Februarii anno sæculi elapsi sexagesimo tertio conclusum fuisset, *in certis casibus Concilium*

Gg 5

Ge

Sæc. XVIII. *Generale absolute esse necessarium*, in præ-
A. C. 1717. senti tamen negotio a doctrinæ capitulis,
 quæ a summo Pontifice, accedente
 Episcoporum consensu decisa sunt, pro-
 vocare, idem esse, ac ab Ecclesia ad
 Ecclesiam, & ab eodem Tribunali ad
 idem Tribunal appellare, cum Ecclesia
 dispersa perinde ac in Conciliis congregata,
 vera sit Christi Ecclesia, cui Spiritus
 sanctus perpetuam assistentiam
 promisit.

§. IV.

Idem a Rhemensi & Nannetensi Facultate Theologica attentatum.

*Mem. de
 d' Appell.
 pag. 31.
 Acta publ.
 Const. p. 265.*

Jam antea Ravehetus Parisiensis Facultatis Syndicus de futuræ appellationis remedio Guilielmum Rogentium Rhemensis Facultatis Theologicæ Decanum certiozem reddidit, atque ad Parisiensis exempli imitationem eandem Facultatem sollicitavit. Nec sponte currentibus calcar addere necesse erat ipsa enim sese de suo Archiepiscopo appellandi opportunitas quosdam hujus Facultatis Doctores tam strenue incitabat, ut jamjam die octava Martii Regios scribas ad Aulam S. Patritii in Universitatis Rhemensis Collegio advenirent, eisque præfatus Decanus Facultatis decretum, quo sese quatuor Episcopi